

La Voz de Ferrol

www.lavozdegalicia.es

LA ASOCIACIÓN CONTRA EL CÁNCER ENTREGA AL HOSPITAL UNA SONDA RADIOGUIADA PARA APLICAR NUEVAS BIOPSIAS | L2

El PP, cuya postura se desconocía antes de la sesión, respaldó finalmente el proyecto

El pleno da el último paso para crear una piscina en Sartaña

LA PROTESTA

Vecinos de la zona en que se levantará la instalación increparon al gobierno local

OTRAS MEDIDAS

La corporación aprueba, sin votos en contra, subir el precio del agua un 5%

LA APLICACIÓN

La tarifa entrará en vigor en verano, y cobrará el servicio por consumo real | L3

HOY RECOMENDAMOS

TOXOS E FROLES

Literatura
20.00 horas
■ Presentación del último libro de Eduardo Fra Molinero, «El merendero de la señora Oliva». Entrada libre.

CASINO FERROLANO

Poesía
20.00 horas
■ Conferencia y recital de José Ramón de Dolarea sobre la poesía de César Vallejo.

COLEGIO DE ARQUITECTOS

Conferencia
19.00 horas
■ Charla sobre la recuperación de dos barrios en Valladolid.

LABORAL

Narón reactiva con la Xunta su oficina del Servicio Galego de Colocación | L9

COMARCAS

Vecinos de Fene arreglarán el cementerio de San Salvador | L13

SANIDAD



La asociación contra el cáncer dona más medios al Marcide | L2



JOSÉ PARDO

Ferrol rinde tributo a la figura de Fontenla Leal

■ El presidente de la Real Academia Galego, Xosé Ramón Barreiro, recibió ayer el premio Manuel Lorenzo Barja, que el Real Coro Toxos e Froles concedió, a título póstumo,

al intelectual galleguista Xosé Fontenla Leal. El decano de los coros tradicionales gallegos también distinguió con sus Toxos de Ouro a tres ediles de Ferrol: Juan

Fernández, Francisco Pita-Romero y Rey Varela. El alcalde, Juan Juncal, lo recibirá en septiembre, por su actual convalecencia. En la foto, el discurso de Barreiro. | L6

SGS TENNAFIT®

Antena Integrada.

Desarrollamos una antena integrada que se puede aplicar en todos los tipos de vidrio fijo.

Funciona mejor que las antenas normales, sin riesgo de averías o roturas.



VitroCar

LUNAS PARA EL AUTOMÓVIL
15 años de experiencia y la calidad del nº1

Tel.: 981 371 425 NARÓN
Avda. do Mar, 131. Polg. A Gándara

Seguridad y Confort

SAINT GOBAIN
SEKURIT
CONCESIONARIO OFICIAL

Una decena de edificios del barrio de Ferrol Vello ya han sido rehabilitados con fondos públicos

■ Una decena de inmuebles anteriores a 1960 del barrio de A Magdalena ya se han rehabilitado con cargo del programa de recuperación de viviendas con fondos públicos. Además, antes de que finalice el año se iniciarán trabajos en otros seis edificios. El Concello primará la recuperación de este entorno en próximas selecciones. | L5

El Ayuntamiento iniciará este año la redacción de un plan urbanístico especial para ese casco histórico

Xosé Ramón Barreiro recolleu o Premio Lorenzo Barja en memoria do galeguista ferrolán

A Academia rende tributo á paixón de Fontenla Leal «polo país, pola patria»

O decano dos coros tradicionais reivindica o legado de quen fixo posible o Himno Galego

Ramón Loureiro
FERROL

■ Unha parte fundamental —por qué non dicilo, se é certo— do mellor de canto deu de si o que hoxe entendemos por cultura galega, estaba onte representada en Ferrol para reivindicar a memoria de Xosé Fontenla Leal. No Centro Cultural Torrente Ballester, no que antano foi o Santo Hospital de Caridade, nesa lembranza labrada na pedra da Galicia da Ilustración, estaban, en nome da Real Academia, o seu presidente, Xosé Ramón Barreiro, e con el tres intrinsecos da xunta de goberno da institución: Salvador García Bodaño, Xosé Luís Axeitos e Manuel González. Así que estaban alí, por tanto, en calidade de académicos, un dos máis grandes historiadores de noso tempo, un dos nosos mellores poetas vivos, e dous investigadores que simbolizan, en si mesmos, o espírito da institución encargada de velar polas palabras de todo un país.

Estaba, tamén, como organizador e promotor do acto, o Real Coro Toxos e Froles, decano dos coros tradicionais galegos e herdeiro das xeracións que fixeron posibles iniciativas como as Irmandades da Fala. Co Toxos, ademais, estaba o recordo



Xosé Ramón Barreiro, con Couce Fraguela



Pita-Romero e Juan Fernández, nun emotivo abrazo



José Manuel Rey Varela, onte co seu galardón

REPORTAJE GRÁFICA: JOSÉ PARDO

do seu gaiteiro fundador, Manuel Lorenzo Barja, que lle dá nome ao galardón que onte se lle concedeu, a título póstumo, a Fontenla Leal. E con todos, con uns e con outros, malia que non se vise, a sombra do propio Fontenla, de quen fixo posible, co seu esforzo, que Galicia teña hoxe Himno... e Academia.

Agradecemento

Xosé Ramón Barreiro, que recolleu en nome de Fontenla —de quen non hai constancia de que exista descendencia directa— o Premio Lorenzo Barja, sinalou, no seu discurso, que «os homes

que loitaron por facer un país e unha patria nunca serán esquecidos», por máis que o tempo pase. E agradeceu, en nome dos académicos todos, dos que hoxe viven e tamén dos que viviron no pasado, que Ferrol faga seu o empeño en manter vivo o legado de Fontenla.

Un Ferrol, por certo, que a non tardar moito —veu dicir o profesor Xosé Ramón Barreiro, respondendo a unha pregunta que Pedro Sanz deixou no aire durante o seu discurso—, terá tamén un Día das Letras, moi probablemente na figura, de don Ricardo Carballo Calero.

O Premio Lorenzo Barja recolleuno Barreiro de mans de José Manuel Couce Fraguela. Foi por expreso desexo de Juan Fernández, que encomendou ao concelleiro de Cultura, nun xesto de recoñecemento e de evidente afecto, a entrega que estaba previsto que el fixese, desde a propia presidencia do acto, en calidade de alcalde accidental. «Isto é para min un motivo de moi grande satisfacción...», exclamou Barreiro ao recoller o premio, mentres prometía que o acto de onte quedará na memoria da Real Academia Galega «para sempre».

AS FRASES

«Está claro que sen Fontenla hoxe non poderíamos estar a falar da Academia Galega; e el, que coma tantos foi polo mundo adiante, morreu pobre; pero a diferenza dos que só son pó da historia despois de terse enriquecido, a súa memoria quedará entre nós para sempre»

XOSÉ RAMÓN BARREIRO
Presidente da Real Academia Galega

«Temos que saber conservar o que nos define como pobo; e se de verdade o preservamos, se gardamos a nosa identidade de galegos, nunca quereremos facerlle mal a ninguén»

JUAN FERNÁNDEZ
Alcalde accidental

«O Toxos, como Fontenla Leal, sempre amou a nosa lingua; non hai máis que lembrar o firme compromiso de tantos e tantos coristas co nacemento das Irmandades da Fala...»

PEDRO SANZ
Presidente do Toxos

«Dóeme lembrar que cando morreu Fontenla Leal, que todo o fixo a base de esforzo e de traballo, estaba esquecido case por todos, e non tiña nada»

JAIME LÓPEZ
Biógrafo de Fontenla Leal

Juan Fernández, Francisco Pita Romero, José Manuel Rey e Pedro Sanz recibiron o Toxo de Ouro

■ A xunta directiva do Real Coro Toxos e Froles concedeu, na súa última reunión, cinco Toxos de Ouro. Catro deles, para outros tantos representantes da corporación municipal: o rexedor da cidade, Juan Juncal —ao que se lle entregará en setembro, dado que aínda segue convalecente—, o primeiro tenente de alcalde, Juan Fernández; o concelleiro delegado de Urbanismo, Francisco Pita-Romero, e o edil responsable da área de Facenda, José Manuel Rey.

O quinto Toxo de Ouro, que a xunta directiva do coro, a proposta da comisión da entidade encabezada por Mario Caneiro, acordou otorgar aproveitando que o seu presidente non estaba presente daquela, foi para Pedro Sanz «pola súa total entrega ao Toxos». Onte, cando se

anunciou —para a grande maioría dos presentes era unha sorpresa— tal decisión, os coristas refrendaron a concesión dese quinto Toxo cun espontáneo e longo aplauso.

Profunda emotividade

Na cerimonia de onte, que contou co presenza, entre outras autoridades, de Xaime Bello, en calidade de vicepresidente da Deputación, non faltaron, senón todo o contrario, os momentos de moi intensa emotividade. Un, moi en especial: cando o alcalde accidental, Juan Fernández, se volveu, en medio da súa intervención, a Salvador García-Bodaño, para lembrarlle, agradecido, que foi el quen escribiu a letra da canción que, con motivo dun Día das Pepitas, os rondallistas lle



JOSÉ PARDO

Os coristas, verdadeira alma da Toxos, tamén recibiron a homenaxe e o afecto da cidade de Ferrol

regalaron á súa esposa, a Mary. E moi emotivas, tamén, foron as entregas dos Toxos de Prata e de Bronce «á fidelidade» aos coristas: a Arancha Gago, a

Ramón Veiga, a Concepción Rodríguez, a Silvia Ferrín, a María do Carme Parrilla e a Eudocio Rojo. Entregas, todas elas, cubertas tamén de

aplausos, nese auditorio do Torrente, unha capela antano, na que onte lucían, cheas de simbolismo, non rosas, senón toxos. Os toxos floreados.